



● EDITORIAL ● RÂL VÊNGTU ● CHHÛNGKAW CHANCHIN

- ◆ Synod Revival Meet vawi 3-na
- ◆ Kristian Chhûngkaw Hla Bu tângzarh
- ◆ Buhfaiṭham rawngbâwlina film tângzarh

RNI 68092/83 Regn. No. N.E. 1024

From

Synod Literature & Publication Board

Synod Office, Aizawl - 796 001,

Mizoram. Phone - 0389-2324590

SYNOD Newsletter

Volume XXVIII

No. 370

E-mail : synodnews@gmail.com

JULY, 2014

KOHRANIN ZÛ LEH ZU KHAPNA DÂN CHUNGCHÂNGAH THUCHAH A SIAM THAR

** Dân anga zu zawrh phalna pêk duh lohna kawng hrang hranga lantîr rêl a ni*

** Tlâwmngai Pâwlte nêh hma lâk dân tûr sawi ho a ni bawk.*

Mizoram sawrkârin **Zu Khap Burna Dân** {Mizoram Liquor Total Prohibition (MLTP) Act 1995} siam ṭhata hlihna tûr dân Legislative Assembly-a ngaihtuah tûra chhawp chhuah a tum avângin July 1, 2014 (Thawṭanni) khân Aizawl khawpui chhûnga Mizoram Presbyterian Kohhran Synod Executive Committee (SEC) member-te inhmuh khâwm hmanhmawh koh a ni a. Sawrkârin zu zawrh phalna pêk theihna tûr dân thar a siam dâwna a lan avângin chumi duh lohna chu kawng hrang hranga lantîr tûra rêl a ni. Zu zawrh duh lo ṭhîn Tlâwmngai Pâwl lian tak tak – Young Mizo Association (YMA), Mizo Hmeichhe Insuihkhâwm Pâwl (MHIP) leh Mizoram Upa Pâwl (MUP) te nêna inkawm hona pawh Synod hotuten buatsaihin, Tlâwmngai Pâwl hruaitu (Office Bearers)-te an kal ṭha hle. Synod Executive Committee-in zu zawrh duh lohna lantîr dân tûra a rêlte chu:-

1. July 6, 2014 (Pathianni) zânah Zu Khapna Dân (MLTP Act 1995) hlih a nih loh nân Tualchhûng Kohhran tinte ṭawngṭai rualna hun hmang tûra ngen an ni a; hemi zâna Thuchah chhiar chhuah tûr pawh siam a ni.
2. Aizawl khawpui chhûng leh District khawpuihte Mizoram Presbyterian Kohhranin Zu Khapna Dân hlih ṭha a tih loh thu leh ram (mipui)-in zû hlawkpui aia an chhiatpui zâwkzia thu ziahna lehkhâ hlai (poster) târ ni se.
3. Chief Minister, Cabinet Minister, Parliamentary Secretary leh MLA zawng zawng hnênah zu zawrh phalna dân ruahman (Bill) Assembly House-a put luh a nih pawhin a tihlawṭling zâwng vote lo tûra ngenna lehkhâ pêk vek ni se.
4. Zu Khapna Dân (MLTP Act 1995) hlih duh lohna leh zu zawrh theihna dân siam duh lohna lantîr nân Tlâwmngai Pâwlten an remtih chuan kawng zawh ni se.

Zû leh Zu Khapna Dân (MLTP Act 1995) chungchânga Mizoram Presbyterian Kohhran Thuchah, Synod Moderator leh Synod Secretary-in hming an ziah hnan, kohhran tina thawn chhuah chu a hnuai mi hi a ni:-

ZU CHUNGCHÂNGA

KOHRANHOTE HNÊNA THUCHAH

Keini, Mizoram Presbyterian Kohhran hian Zu chungchângah thuchhuah kan lo siam tawh ṭhîn a. Tûnlai hian kan sawrkârin chuan Zu Khapna Dân tidanglama zu zawrh phalna dân siam tûrin July 8-10, 2014 Budget Session-ah hian pharh a tum tih hriat a ni a; chvângin, khawpui chhûnga Synod Executive Committee member-te Emergency Meeting ni 1 July, 2014-a neih chuan zu zawrh

www.mizoramynod.org

khap chungchângah Kohhranhote ṭawngṭai tûra ngenna leh thuchah kan rawn chhuah leh ta a ni.

1. Zu chungchânga Kohhran dinna:

Mizoram Presbyterian Kohhran hian a din tîr tê aṭangin Kohhran mite chu zû-a inhnâmhnawih a khap a, kum 1910 April thlaa kan Kohhranin Presbytery hmasa ber a neih aṭang khân a lo khap tawh a ni. Chu chu kum za zet kan kal tawh hnuah pawh hian kan dinna a la ni ta reng a ni.

2. Zu khap burna dân:

Kan rama zu khap burna dân kan hman hnu hian kan khawlai te pawh a lo râlmuang ta hle mai a. Zu ruih avânga lirtheia chêtusualna leh zu ruih avânga tharum thawhna thleng ṭhîn pawhin a tlâk hniam phah tawh hlein a hriat a. Tûnah chuan mipui nun a zalên a, chhiatna leh thihna thleng thei tam tak a vêng a, mi mal, chhûngkua, khawtlâng leh kan ram tân Zu Khap Burna Dân hman zêl hi Pathian thu aṭanga ngaihtuah leh kan ram mipui nun en pawhin ṭha kan ti a ni.

3. Zu zawrh phalna dân:

Mi ṭhenkhat chuan hnam changkâng zâwkte kal dân ena insiam rem ve ṭhain an hria a, sawrkârin sum lâk luh tihpunna atâna phalna pea zawrhṭîr mai duhte pawh kan awm ta niin a lang a. Kohhran erawh chuan kan Pathian thuin min kaihhruai dân ena kal mai hi ṭha kan ti a. Zûin kan hrisêlna a khawih pawh dân te, khawtlâng nun hona a nghawng buai theih dân te ngaihtuahin kan ram leh khawtlânga zû tihtlângnêl loh hi kan ṭhatpui ber tûr niin a lang.

Phek 2-na column ding lamah zawm...

SYNOD Newsletter**EDITORIAL STAFF**

Rev. K. Lalpiangthara (LPT)
 Rev. Thangzauva (TZ)
 Upa H. Ronghaka (HR)
 Upa Khawlchungnunga (KCN)

Editorial **INCHEINA**

Khawvêl changkânain incheina changkâng a keng tel zêl a. Sakhua leh culture-in a phuar avânga a ngai reng hmang an awm tho laiin, khawvêl hmun hrang hrangah incheina style a inthlâk chak hle. Kan sam sawisak duh dânte pawh hi kum tin a danglam emaw tih mai tûr a ni ta! Kan inchei dân hian chhûng lama kan rilru put dân thui tak a pho lang thîn a ni.

Biak Ina hâk âwm chi leh chhiatni thatnia hâk âwmte a awm ve zêl a, a hun leh a hmun ang zêla inchei thiam a finthlâk fo.

Hmeichhiate hi Pathianin danglam tak leh maksak taka a siamte an nih avângin an inchei dân hian a chhe lam a tha lamin sawi a hlawh deuh bîk a. Chuvângin, mipa aiin fimkhurna tûr an ngah bîk ni pawhin a lang. Tûnlaia kan hmeichhe thenkhat inchei duh dân hi chuan ngaihtuahna a tithui khawp mai! Pâwngsual lo hluar chho ta zêl pawh hi mipa thiam lohna tam tak a awm tho rualin, kan hmeichhiate inchei dân hian sual a tipung ve bawk a ni em, tih hi mipa zawhna tam tak a ni ta. A hmei a pain kan inchei duh dân leh Krista Chanchin Tha hi inmawi se Pathian kan tilâwmin a rinawm.

PULPIT BIBLE LEH BIBLE ZIAK HRAW

Bible Society of India, Aizâwl Auxiliary chuan Mizo Pulpit Bible leh Bible ziak/hawrap hraw chia chhut a tichhuak thar a; Pulpit Bible ₹ 300 man chu Kohhran tâna hralh phawt tûr a ni a; chuvângin a lei duh Kohhran chuan Bialtu Pastor lehkha emaw, Kohhran Secretary lehkha emaw kengin Bible House aţanga lei tûr a ni. Hawrap hraw bika chhut Bible, ₹ 350 man erawh chu a duh apiang tân BSI-in a zawrtûr thîn lehkhabu dâwrahte lei theih a ni.

Phek 1-na zawm...**4. Tawngţaiin ţan i la ang u:**

A tâwp berah chuan sualin kan ram a ei chhiat zêl loh nân a vênna tha ber chu Chanchin Tha thiltihtheihna hman hi a ni tih hre reng ila. Kawng hrang hranga ţan kan lâk bâkah ţawngtai mawlh hi i uar ang u. Kohhran inkhâwmah te, chhûng inkhâwmah te leh mi mala kan ţawngţainaah te Pathian hnênah i thlen zêl ang u.

5. Tawngţai hun tûr: July ni 6, 2014 Pathianni zân inkhâwmah**6. Tawngţai thupui:**

- Kan ramah Zu Zawrh Phalna Dân hman a nih loh nân
- Kan ram rorêltuten Pathian duh dâna ram ro an rêl theih nân.



(UPA H. ZOLIANA)

Secretary

MIZORAM PRESBYTERIAN KOHHRAN : SYNOD



(REV. K. LALHMUCHHUAKA)

Moderator

SYNOD REVIVAL MEET VAWI 3-NA

– Rev. R. Lalchangliana
 Director, Synod Revival

Synod Revival Meet vawi thumna chu June 20 - 22, 2014 (Zirtâwpni zân - Pathianni zân) chhûng khân Aizâwl Electric Vêng Kohhranah hman a ni a. Meet thupui atân hian “Lal Isua zui” (Luka 9:23) tih hman a ni. He Revival Meet-ah hian Synod Revival Speaker-te leh Team member-te an kal tha hle a, riak lût (chhinchhiah zât) 168 an ni a; lehlânga tel (Team member leh member ni lêm lote) mi 330 zet an awm bawk. Meet ţantirh zânah Rev. K. Lalhmuchhuaka, Synod Moderator-in hawn pahin thuchah a sawi a. Meet tâwp Pathianni zânah Meet thupui hmang thovin Rev. Lalzuithanga, Senior Executive Secretary i/c Revival-in thuchah a sawi thung a; inkhâwm ţum nga dangah chuan Synod Revival Speaker-ten thupui hi an insawi chhâwk thîn. Synod Revival Speaker, tûn ţuma thupui sawitute chu – Upa R. Lalhmachhuana, Mi Lungngaite Thian Team; Pu C. Lalramthara, Gospel Revival Team; Pi P.C. Vanlalngâki, Jehova Jire Team; Upa L.H. Rohmingliana, Evangelistic Team; Upa K. Lalhunpuia, Revival Fire Team te an ni. Thupui hi then sawm chuang lovin a sawituten thupui chhûnga an dawn leh ngaih pawimawhte an sawi mai thîn a. Pathian biak inkhâwm hruai pawh a ţantirh (Inlawmna) inkhâwm, Upa H. Zoliana, Synod Secretary-in a hruai a; a thlengtu Electric Veng Bialtu Pastor K.C. Vanlalduhan a tâwp zân a hruai thung a, a bâk zawng chu Synod Revival Committee member-ten an inhruai chhâwk thîn.

Thupui sawitute chuan Lal Isua zui awmzia te, a pawimawhzia te, a harsatna te, a hlâwkna leh a zuitu tâna lâwmman te an sawi ber a; mi huaisen kal hmasa, Lal Isua zuitute aţanga entawn tûrte la chhuakin kawng hrang hrangin, ngaihnawm leh nung takin an sawi vek a ni. Inrinni zân aţangin LPS leh Zonet-in inkhâwm lai TV-a en theih tûrin an tichhuak a; hêng atân hian SYNFO lamin bul tumin a tîr aţanga a tâwp thlengin an thut chilh reng a. Nikîr ruah sîr lai a nih avânga a hmuna kal remchâng thei lote pawhin mahni awm hmun aţangin an lo chhim theih phah a, a tihzia hle. Thusawi bâkah inkhâwm zai boruak pawh a nuam êm êm mai a, a ţantirh zân aţangin lâmtual

leng lo khawp mipui, Pathian fakin an lâm chhuak thîn. Inrinni zân aţang phei chuan Biak In chhûng kalna kawngpui lamah lâmkualin an inzui kual mup mup a; Pathian hnathawh hmua chang theia an awm avângin Revival Meet hmangtuten hlâwkpu hlein an inhria. Theih ni se, Tualchhûng Kohhran lam pawhin Meet hi pawh sei an duh hial a ni!

Inkhâwm bân apiangin zaikhâwm zui a ni thîn a; zaikhâwm hruai tûr hian Synod Revival Speaker ţang laite hman an ni a, chûngte chu Pu C. Lalzahawma, Hnehna Puangtu Team; Pu F. Hmingthansânga, Mi Lungngaite Thian



RÂL VÊNGTU

Mite chuan, “Râl Vêngtu, sipai hian râl ramah silai keng peih lo viau ta se sipai tha a ni ang em?” tiin an zâwt a. Râl Vêngtu chuan, “Sipai tha nih ahnêkin nasa taka hrem tlâk a ni ang chu,” tiin a chhâng a.

Mite chuan, “A nih leh kan râlthuum tha ber Bible hi keng khât tak tak an va tam ve. Ni tin zan tin sual râl nên kan inhmachhawn a ni si a! Biak Inah ngei pawh hian Bible keng âwm tak taka ngaih, keng peih lo hi an tam a, hêngte hi eng tia ngaih tûr nge ni ang?” tiin an zâwt leh a. Râl Vêngtu chuan, “Sipai inthlahdah, sipaia thlangtu tilâwm lo, hrem ve tlâk an nih chu,” tiin a chhâng a. An hawn pah chuan Biak Inah leh an zinnaa Bible an ken thatchhiat thinzia thu te leh ken taihmâk a thatzia thu an sawi ta mawlh mawlh a.

KRISTIAN CHHUNGKAW HLA BU THAR

Synod Music Committee-in kum 2010-a ram pum huap Kristian Chhungkaw hla inphuahsiak a buatsaih tuma hla theh luh thenkhat chu a bua siam a ni a, June 24, 2014 khan Synod Moderator-in Synod Conference Centre, Aizawlah a tlangzarh. He Hla Buah hian Kristian Chhungkaw hla 184 leh inneih hla 118, a vaiin 302 a awm. Hla inphuahsiak buaipuina senso leh Kristian Chhungkaw Hla Bu chhut man hi Upa R. Zatlaia, Venghluï te chungkuain an tum vek a ni.

Hla Bu tlangzarh inkhawm hi Rev. P.C. Pachhunga, Executive Secretary-in a kaihrui a, Upa F. Lalremthanga, Co-ordinator-in inhmelhriattir paha report pein Synod Moderator-in Hla Bu tlangzarhin thu a sawi a. Upa H. Zoliana, Synod Secretary hla bu hlanin a tawngtai a, a senso tumtu lam aţangin Upa R. Zatlaian thu a sawi bawk. Hemi pual inkhawmah hian Chawnpui Bial Zaipawl an zai a; Synod School of Music-in instrumental duet an entir bawk.

Synod Thurêl Lâk Khâwm bu lina phêk 700 zet chu Synod-in a subsidised-a, ₹ 150 chauhvîn Synod Bookroom Branch hrang hrangah a lei theih ta e.
www.mizoramynod.org

SYNOD HOSPITAL, DURTLÂNG MAY, 2014 CHHUNGA THILPÊK DAWNTE

I. CHARITY FUND

1. Pu B. Lalramênga, Zotlâng	₹ 5,000
2. Upa Vanramnghâka, Mualmâm	₹ 1,000
3. Pi Lianmawii, Champhai Vêngsâng	₹ 1,000
4. Pu Lalnunsânga, Durtlâng Dâwrkâwn	₹ 1,000
5. Pu Lalsânglûra, Durtlâng Mêl 5	₹ 1,000
6. Ramthar Presbyterian Kohhran, Lunglei	₹ 9,665
7. KTP, Kolasib Vênglai Branch	₹ 15,000
8. Lêngpui Bial Kohhran Hmeichhia	₹ 10,000
9. KTP, Durtlâng Bial	₹ 5,000
10. Khawlian Kohhran	₹ 2,093
11. M/S Life Drugs Centre, Bara Bazâr	₹ 17,000
12. KTP, Kanan Bial	₹ 5,000
13. Pu Laldanglova, Durtlâng Mêl 5	₹ 2,000
14. T/Upa R. Malsâwmkima, New Chalrâng	₹ 7,000
15. Sairâng Kohhran	₹ 15,000
16. Lungdai Kohhran	₹ 2,000
17. KTP, Republic Vêng Branch, Aizâwl	₹ 13,300
18. Pavalai Pawl, Lengpui Model Kohhran	₹ 3,000
19. Ramhlun Vêngthar Bial Koh. Hmeichhia	₹ 10,000
20. Biate Bial Kohhran Hmeichhia	₹ 3,000
21. Pu Zoramawia, Zârkawt	₹ 4,500
22. Rûlchâwm Kohhran	₹ 5,000
23. Sesawng Kohhran Hmeichhia	₹ 5,000
24. Kolasib Vênglai Kohhran	₹ 10,000
25. Pu Sailoliana Sailo, Zotlâng	₹ 10,000
26. Zosângzuaili Kâwlni, Sdt. Nurse, S/Hospital	₹ 1,500
27. Lunglei Chanmari Bial	₹ 10,000
28. Lunglei Chanmari Bial Koh. Hmeichhia	₹ 2,000
29. Synod Lay Workers' Fellowship	₹ 95,750
30. Pu P.C. Lallianthanga, New Sectt. Complex	₹ 1,500
31. Duhsaktu (Well wisher)	₹ 5,000
32. Hming hriat loh (Unknown)	₹ 6,000

33. Hming hriat loh (Unknown) ₹ 3,000

II. THISEN PE TE Pek zât

1. KTP, North Lunglêng Branch	18 Units
2. KTP, Phûlpui Branch	39 Units
3. KTP, Tuikual 'S' Branch	26 Units
4. KTP, Kâwnpui Chhim Vêng Bial	53 Units
5. Red Ribbon Club,	
Women Polytechnic, Durtlâng	24 Units
6. KTP, Chhiahtlâng Bial	101 Units

III. THILDANG PE TE

1. KTP, Bûkpui Bial	Grace Home tân ₹ 3,000
2. Maubâwk Bial Kohhran Hmeichhia	Grace Home tân ₹ 10,000
3. Châltlâng Kohhran Hmeichhia	Private Ward mattress lei nân ₹ 20,000/-
4. Pi Malsâwmdawngliani	Chhuat nawh faina pathum
5. R.D. Drugs Store, Dâwrpui	Damdawi tam
6. KTP Republic Vêng Branch, Aizâwl	tâwk chi sarîh
7. Vaitin Vêngthar Kohhran	Water Filter 2
Ramthar Committee	Hmunphiah 37
8. Pâwlrâng Kohhran Hmeichhia	Hmunphiah 100
9. Kêlkâng Bial KTP	Hmunphiah 200
10. Tuidam Bial Kohhran Hmeichhia	Hmunphiah 140
11. Lunglei Chanmari Bial Koh. Hmeichhia	Grace Home tân Rs. 10,000/-
12. Lêngpui Bial Kohhran Hmeichhia	Mattress lei nân Rs. 10,000/-

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Hêng in thilpêk kan dawnte hian damlo awm man harsate thlamuang takin a awmfîr a, Hospital mamawh tam tak min phuhrûksak bawk a ni.

Sd/- REV. R. RAMDINMAWIA
Chaplain (Sr.), Synod Hospital.

Phek 2-naa mi zawm...

Team; Upa Lallawmsânga, Agape Gospel Team; Pu Lalthara, Servant of God; Pu Laltindâwla, Pathian Thurûk Enkawltu Team; Pu R. Lalbiaksânga, Krista Thupuangtu Team leh Upa Lalchhanhima Hnamte, Mi Lungngaite Thian Team te an ni. Inkhâwm chhûng a rei deuh thîn avângin zaikhâwm erawh chu an tam vak lo thîn a, a kalte erawh chu an tui thîn hle.

A thlengtu kohhran an inhawng êm êm mai a, Meet hmanga kal mikhual dawnsawn leh thlenna tûr thil te ngaihtuah bâkah Meet hlawhtling tak hman a nih theih nân an tawngtai nasa a. Meet hman chhûngin mikhualte tan ruai vawi hnih an buatsaih a. Kohhrana Pâwl tin- KTP, Kohhran Pavalai Pâwl, Kohhran Hmeichhia leh tleirâwl (râwlthar rualte), mikhual lo hmuah leh sem thu-ah te, an tawngtawng êm êm a, Revival lama mawhpurtute pawhin hetiang taka a thlengtu kohhranin theih tâwp an chhuah hi lâwmawm an ti a. Meet hlawhtlinna chhan hi a thlengtu kohhran lo inbuatsaih that vâng leh inhawn vâng ni pakhat ngaih a ni.

Synod Revival Speaker-te Intuai tharna (Retreat) leh Revival Meet hi kohhran mipuiin ngaih pawlh a awl avângin hemi chungchâng hi sawi fiah

deuh a tha âwm e. Tûn hma zawng chuan Synod Revival Team Retreat tiin hun rei tak chhûng chu kalpui a ni a. Team Retreat hi Biak In behchhana hman thîn niin, Inrinniah Speaker leh an Team member bituk zât neiin, thupui zir ho a ni thîn a. Team member-te hriat tûl lêm lo, Speaker-te bik hrilh duh leh han fuïh duh bikna tûr thilte tam tak a awm avâng leh, hauh an tûl pawha mi dangte hriat ve lêm lohva han zilh hauhna hun remchâng mamawhna avângin, an team member-te tel lovin, Speaker-hote chauhva Retreat neihpui tûla hriat a ni ta a, tichuan “Synod Revival Speakers’ Retreat” tih chu a hranpa hlakin kum thum kal ta aţang khân buatsaih thîn a ni.

Chutiang a nih avâng chuan, an team member-te tel ve theihna tûr inkhâwmpui (Meet) buatsaih tûl tihna a lo awm leh a, Revival Meet hi buatsaih a lo ni ta a ni. He Meet hi Team-ho pual chauh ni tawh lovin, Aizâwl khawpui kohhran tinte huap zâwnga hman tûra tih a ni. Revival Meet buatsaih hi thlarau lama intihchak thar nân thil pawimawh tak a ni. Kohhran tân malsâwmna nasa tak thlentû a nih zêl pawh a beiseiawm hle. Synod Revival Meet Lalpan malsâwm zui zêl rawh se.



SYNOD ENDOWMENT FUND PETUTE LEH PÊK ZÂT (wef 1 May, 2014 – 27 June, 2014)

Kawmawi Kohhran (Lallen Bial) chuan March, 29 - April 16, 2014 chhúng khân Lallianpuia, Saltàngte Thian Team Speaker ruaiin Camping chhâwng thum an buatsaih a. Camping-ah hian mi 233 an lût a. Kohhran bêl ngai lote leh ruihlo ngaite pawh he Camp-ah hian an lût a. Pathian Thlarau Thianghlim tihharhna changin hlim takin an chhuak hlawn. Kohhran pâwl dang aţangin mi pathum an lo lût bawk. Pathian thuin Kohhran mipui a hneh a, he rawngbâwlna hian Kohhran a tipumkhat hle.

Ngaizawl Kohhran June, 6, 2014 khân Ngaizâwl Middle sikul hmeichhe naupang thenkhat lu na leh lu hai thut angin an buai a, an taksa a zawi a, chutianga buaite chu zirfirtuten office-ah zâwn lûtin an tawngtai a. Hmeichhe naupang 13 lai an ni. A tûkah Pu K. Vanlalsâwma, Speaker, Krista Hnungzuitute Team leh a thiante Khawzâwl Hermon Kohhrana rawngbâwl mêk chu Bialtu Pastor H. Lalzuiliana hovin an cho va, naupang buaite chu Biak Inah ko khâwmin tawngtaina leh counselling te neihpui an ni a. Zân inkhâwm bânah Khawzâwlah an haw thla a.

June, 9, 2014-ah Krista Hnungzuitute Team te chu Kohhranin an sâwm angin an cho leh a, Crusade Programme anga hmangin Bialtu Pastor kaihhruinain sual thupha chawî leh hriak thih rawngbâwlna te, khaw chhúng then thianghlim leh sual dai theuna te hmangin Kohhran pâwl dang zawng zawngte nêna khawtlâng huapin he hun hi hman ho a ni a, Pathian hnathawh ropui tak a lo lang a, Thlarau sualin a tihbuaite chhandamna an chang a, Biak Inah an leng lo va, lâmtualah pawh an leng lo. Kohhran pâwl pâwl sawi lova a khawtlâng huapa an inkhâwm ho thei leh ramhuai leh a hnathawh Pathianhin a hnehsak avânga naupangte chung a thil thleng chu ropui an ti a. Pathian thilthihtheizia leh ropuizia an hmuh avângin an lâwm hle.

LÂWMTHU SAWINA

Keini Phainuam 'C' Presbyterian Kohhran chuan kum 2008 aţang khân Biak In kan sa tawh a. Sum harsatna avânga sa zo thei lova kan awm laiin Khatla Kohhran chuan kan Biak In sak nân ₹ 1,10,000 (Chêng nuai khat leh sing khat) lai maiin min rawn tanpui a, kan Biak In sak mêk kan luah theih loh chu luah theihin kan siam ve thei ta a, kan lâwm ngei mai. Lalpan a lêt tam takin rûl se, tih hi kan tawngtaina a ni.

Sd/- T. Upa Lalremkima Ngûrte
Secretary, Phainuam 'C' Kohhran

**Thil ţha lo titute inrâwn
rûkna lakah mi thukru ang
che, thil tisualtute inhâwr
khâwmho lakah chuan.**

- Sam 64:2

www.mizoramynod.org

Kohhran hming	Pêk zât (Rs.)	Kohhran hming	Pêk zât (Rs.)	Kohhran hming	Pêk zât (Rs.)
Keitum Kâwn Kohhran	2,000	Tuichawng	2,500	Champhâi Kahrawt	20,000
Sâikhamakâwn	5,000	Nausêl Kohhran	1,000	Laiquitlâng	10,000
Central Jail Vêng	5,000	East Lungdâr	10,000	Ngaizâwl	3,000
Aibâwk	5,000	Seling Kohhran	10,000	Khuanglêng	5,000
Vaivakâwn Vêngthlang	2,542	Sialsûk Bial	5,140	Hunthar Kohhran	20,000
Vaivakâwn Kohhran	21,110	Sialhâwk South Kohhran	2,000	Chawnpui Vêngthlang	10,000
Dinthar, W. Phailêng	2,120	Lungpho	5,000	Pilêr Kohhran	5,000
Aizawl Kohhran, Vênglui	5,000	Thinglian	1,000	Meisatla	5,000
Khawzawl Electric Vêng	5,000	Buangpui	1,000	Serchhîp Dinthar	1,000
Bairabi North	10,000	Lily Vêng Kohhran	10,000	Vênglui	20,000
Khatla South	10,000	Zote South	1,000	Electric Vêngthlang	5,000
Sâmthlang Kohhran	1,000	Kawrtethawweng	3,500	Falkâwn Kohhran	5,000
Kêlkang Kohhran	2,000	Luangmual Kohhran	12,000	Mîmbung	2,000
Hmunhmêltha Kohhran	5,000	Kâwkulh North	6,500	Chân mari West	10,000
Ramthar, Champhâi	1,000	Ṭuahzâwl	2,600	Kâwkulh Bial	10,350
Thingsûlthiah	20,000	Hualngohmun Kohhran	13,980	Zotlâng - Champhâi	22,500
Kêlsih	3,000	Saron Kohhran	7,430	Airfield Kohhran	2,000
Sateêk	10,000	Champhâi Vêngthlang	30,000	Tlungvêl Gate Vêng	5,000
Selâm Kohhran	1,000	Keifâng Kohhran	10,000	New Châlâng	2,000
Muanna Vêng Kohhran	1,750	Zemabâwk North	20,000	Ruantlâng	10,000
Lunglei Electric Vêng	5,000	Khawlailung Dinthar Bial	5,000	Tualtê	5,000
Lunglei Châm mari	40,000	Khawlailung Dinthar	3,000	Maite Kohhran	3,000
Ngopa	6,000	Kângmun	5,000	Lunglei Bazar Vêng	10,000
Ngopa North	5,000	Sialsûk Hmunchung	3,000	Sumsuih	5,000
Tuiţhavêng	5,000	Zawnuam Kohhran	5,000	Tualpui	1,000
		Ngopa Chhimvêng	5,000	TOTAL	5,56,022

BUHFAIṬHAM RAWNGBAWLNA FILM TLÂNGZARH

Presbyterian Kohhran Hmeichhe hma lâknaa Buhfaithâm Rawngbâwlna, a ṭo bul aţanga tûn thleng lantirna lemchan (Documentary Film) chu June 13, 2014 khân JM Lloyd Hall, Synod Office-ah Rev. Lalramliana Pachuau, Executive Secretary-in a tlângzarh. Hemi puala inkhawm hi Pi C. Lalhmangaihi, Chairman, Mizoram Presbyterian Kohhran Hmeichhia-in a kaihhruai a. Pi H. Lalpianthangi, G/S-in buatsaih a nih dân a sawi a, Pi Laldâwnkimi, Convener leh Upa C. Vanlalsiama hnên aţangin Report leh Technical Report ngaihthlâk leh a ni a, Rev. Lalramliana Pachuau, Executive Secretary-in Pathian hnênah hlânin a tlângzarh a ni.

Documentary Film thawnthu (script) hi Pi C. Lalneihthangin a ziak a, Zârkawt leh Mission Vêng Kohhran Hmeichhiate a chang tura sâwm an ni a, a ṭul angin milem te dah tel a ni bawk. He film hi Kohhran Hmeichhe office-ah Rs. 50/- in a lei theih.

HURUAINA ÊNG TV 24x7 PROGRAMME

Synod Information & Publicity Department chuan Hruaina Êng TV 24x7 chu thlirtute tâna remchân zâwkna a nih beiseiin regular programme a hnuai a târlan ang hian a kalpui ve tan ta.

Programme Hming	Chhuah Hun	Programme Tlângpui tûr
Chhúngkua	Sun 8:00 PM Weekly	Synod Dept. hrang hrang chanchin te, Ramthar Field rawngbâwlna te, inkhâwmpui hrang hrang (kumin chhúnga neih) te leh rawngbâwltu kawmna te.
Hruaina Êng	Fri 8:00 PM Weekly	Kohhran mipuite tisa leh thlarau lama zirfirna leh kaihhruaina lam eg. Talk Show, Seminar, mithiam bik kawmna etc.
Kristian Ṭhalai Sermon	Tue 8:00 PM Weekly Sun 7:00 AM	Kristian Ṭhalai pual - KṬP Conf. te, KṬP Film etc. Sermon chi hrang hrang
Nghilhloh Nân	Tue 2:00 PM / Thur 2:00 PM First Thursday 8:00 PM Monthly	Rawngbawltu hmasa chatuan ram pan tawh te leh la damte pholanna te, hun kal tawha thil thleng pawimawhte târlan tum a ni

*Kristian Naupang Pual tur pawh Inrinni 3:00 PM chhuak ṭhin tura buatsaih mek a ni.